


ebera

ovema i
u pereco
Ziona ra:
he atu ai
a metua
muraaitē
nai to'na
apiiraa i
reira ei
te fenua

moni, e
na itoitō
i te mau
a'tu i te
E haa-

a na te
ei Apose-
tahiti: I
ne no te

Hebera
a Iesu
; e Pero-
a vahi, e
, e mea
u hiero,
au-atoa-
no te ta-
ipa: Ua
i 1951.



Te Avae Atete 1957

TE HEHEURAA API

Te Mau Haapiiraa No Te Ava'e Atopa

HAAPIIRAA FEIA API

HAAPIIRAA HOE (*Hebedoma Hoé*):

Ua haapii tatou i teie hebadoma i mairi a'enei i te huru o te hoê orama rahi ta Enoha i farii. Ua pinepine o Enoha i te paraparau i te Atua, e te na ô nei te irava e, "Ua tae maira te Fatu e ua parahi ihora i To'na ra mau taata." (Mose 7:16) E homa, eiaha tatou e mana'o e, ua parahi te Fatu i roto i to Enoha fare e ua ori haere Oia i rotopu ia ratou ra, no te mea, e varua ana'e iho te Fatu i te reira taime. A haamana'o râ tatou i Ta'na parau i to Iseraela, na roto ia Mose, i te na ô raa e, "E hamani hoi ratou i te tahi vahi mo'a No'u, ia parahi au i roto ia ratou." (Exode 25:8) E mea papu e, ua na reira atoa Oia i te parau ia Enoha ma, oia hoi, ua faane Oia ia ratou ia hamani i te hoê hiero mo'a No'na, ia tia Ia'na ia fâ pinepine mai ia ratou i reira.

I te matahiti 3,073 hou Iesu i fanaubhia'i, oia hoi, i te 305 o to Enoha ra matahiti, ua faatupuhia te hoê amuiraa rahi na te feia mo'a. Aita taua amuiraa ra i haapaohia i Ziona, te oire o Enoha; ua haapaohia râ ia i roto i te faa i Adamu-Onodi-Ahamana, oia hoi, te vahi i faaeahia'i e Adamu, te patereareha matamua. Ua anaanatae roa paha to te oire o Ziona i to ratou faarooraa e na hinaaro o Adamu i te farerei i te taatoaraa o ta'na ra huaii tei mau i te parau-tia, e no reira, ua faarue ratou paatoa i to ratou fenua o Kainana, e ua haere ratou i te peho ra i Adamu-Onodi-Ahamana. E mea papu e, aore e amuiraa tei aifaito i te reira i faatupuhia i te mau tau o teie nei ao.

Ua ruau roa o Adamu i taua taime ra (oia hoi, 927 to'na matahiti i reira) e ua hinaaro oia ia haamaitai i to'na ra huaii hou a pohe atu ai oia. No reira taua amuiraa ra i faatupuha'i, e ua tae mai te mau patereareha'toa maori râ o

Lame
ore i t
taime
o Ka
O Enc
tuatap

U
to'na
i roto
Adam
hi rah
horoa
na ô
nnaa
ratou

U
fefe n
e na t
e tae

I
oire,
i te ra
noa-h
erea i
ra. "
tatou
taata

I
tahiti
pohe
e tor
"tei
hoi ra
to rat

Lameha, te mootua o Enoha. Aita i faaitehia te tumu oia i ore i tae mai ai, area ra, ua riro paha e, ua fifi oia i te reira taime. Atira ia, ua faaitehia e, ua tae mai o Seta, o Enosa, o Kainana, o Maleleela, o Iareda, o Enoha, e o Metusela. O Enoha tei maitihia ei papai parau i rotopu ia ratou, e ua tuatapapa oia i te mau ohipa faahiahia tei tupu.

Ua horoa mai o Adamu i ta'na haamaitairaa hopea i to'na ra huaai, e i te reira taime, ua fâ hanahana mai Iehova i rotopu ia ratou. Tia'era ratou i nia, haamaitai atura ia Adamu, i te piiraa ia'na o Mihaela, te tamaiti arii, te melahirahi, e to ratou aratai itoito i te pae varua ra. I reira, ua horoa mai Iehova i ta'na haamaitairaa i nia ia Adamu, i te na ô raa mai e, "Ua tuuhia oe e au ei upoo; e rahi te mau nunaa e tupu mai no roto ia oe, ei tamaiti arii hoi oe i nia ia ratou e a muri noa'tu."

Ua tia i hora o Adamu i nia i rotopu i te putuputuraa, a fefe noa'i oia no to'na paariraa, ua î râ oia i te Varua Maitai, e ua tohu i hora oia i te mau mea atoa e tupu i to'na ra huaai e tae noa atu i te ui hopea ra.

I roto i te orama rahi ta Enoha i farii, ua ite oia ito'na oire, ia Ziona, i te fenua ra o Kainana, i te afairaahia i nia i te ra'i, e i te matahiti 2.958 ua tupu te reira. Ua faaite-noa-hia i roto i Genese 5:24 e, "I au maite hoi to Enoha ha-erea i te Atua, e aita ra oia; na hopoi-ê-hia hoi oia e te Atua ra. "Area râ, na te Buka a Mose e haamaramarama mai ia tatou e, ua hopoi-atoa-hia te oire o Enoha e to'na ra mau taata parau-tia.

Ua faahuru-ê-hia to ratou mau tino i'o e te ivi i to ratou tahitiraahia, e ua riro to ratou ra mau tino pohe ei mau tino pohe ore. Ua au to ratou ra mau tino i te tino o na aposetolo e toru tei tahitihia no rotopu i te ati Nephi, o tei ore i ite e, "tei te tino anei ratou e aore anei, aita ratou i ite; i mana'o hoi ratou e, ua faahuru e hia ratou, mai te mea ua faarirohia to ratou tino tahuti ra ei tino tahuti ore, e tia'i ia ratou te

ite i ta te Atua.” (Nephi 28:15) Ua burihia taua na aposetolo ra i roto i te ana puaa oviri ra, i roto i te apoo e i roto i fare tapearaa, e i roto hoi i te auahi, aita râ ratou i ino, no te huru-ê-raa o to ratou ra mau tino.

E no reira, na faahuru-ê-hia te oire o Enoha e to'na ra mau taata, afaihia'tura i nia i te ra'i i nia iho i te hoê fetia ê atu. I reira ratou i riro ai ei mau melahi raverave, ei reira hoi ratou e vai ai e tae noa'tu i te haamataraa o te mileniuma, oia hoi, i te taeraa mai o te Mesia. I te reira mahana paran-tia ratou e faahuru-ê-hia'i ei taata tahiti ore, mai te amuraa mata nei, e e amui i te feia mo'a i te oire o Ziona oia hoi, i Ierusalem Apî, te patuhia i teie mau mahana hopea nei i nia i te ao nei.

Uiraa 1. Eaha te auraa o te parau e “na parahi te Fatu i to'na ra mau taata”? Ua ora anei oia i rotopu ia Enoha ma?

2. No te aha te hoê amuiraa rahi i faatupuhia'i e toru matahiti hou a pohe atu ai o Adamu? Ihea ia i faatupuhia'i? O vai te hoê patereareha tei ore i tae atu i reira? O vai te patereareha tei maitihia ei papai parau no taua taime ra?

3. Ehia to Adamu matahiti i te taime oia i pohe ai?

4. Te taata ana'e anei to te oire o Ziona tei tahitihia, e aore râ, te oire taatoa anei? Teihea ratou i teie nei? Afea taua oire parau-tia ra e faaho'ihia mai ai i nia i te ao nei?

HAAPIIRAA PITI (Hebedoma Piti):

Ua afaihia o Enoha e te feia mo'a atoa ra i nia i te ra'i ra, area râ, ua vaiiho mai te Atua i te hoê mau Patereareha i nia i te ao nei. Oia hoi, o Iareda, Maleleela, e Kainana, e o Enosa. Ua vaiiho atoa o Enoha i ta'na tamaiti, ia Metuse-la, e ta'na atoa mootua, ia Lameha. E mea papu e, aita ratou i afaihia no te mea, ua faataahia te hoê ohipa na ratou e Atua ra.

METUSELA, TE TAMAITI A ENOHA. Ua fanauhia mai o Metuseela i te matahiti te feia mo'a i haamata'i i te faatia i te oire ra o Ziona, e na 100 to'na matahiti i te taime

oia i faa
i te Mos
i nia i te
o ta'na
Enoha r
ra tauup
no te r
paterear
o tei pol

LAMEHA

te pater
rima o
hiti. I r
i te ino,
ta'na ta
tataraha
Noa e ta
no te m
ati rahi

O NOA

heuraa
mita e,
to'na it
i muri a
i te tai
paha na

E t
raa mo
hia i ro
e to Ser
Ua haap
raa, ua
topahia

oia i faatoroahia'i i te Autahu'araa Mo'a. Na te irava i roto i te Mose 8:2 e faaite mai ia tatou i te tumu oia i ore i ravehia' i nia i te ra'i, oia hoi... "ia faatiahia te mau fafau a te Fatu, o ta'na i fafau atu ia Enoha; oia mau, ta'na i fafau atu ia Enoha ra e, e fanau mai Noa no roto mai i te huaai o to'na ra tauupu." E 969 matahiti to Metusela i to'na poheraa, e no te roa o to'na oraraa, ua ite oia i te poheraa o te mau patereareha atoa, e tae noa'tu i ta'na iho tamaiti, ia Lameha, o tei pohe e pae matahiti na mua'tu ia'na.

LAMEHA, TE TAMAITI A METUSELA. O Lameha te patereareha matamua tei ore i faatoroahia i raro a'e i te rima o Adamu. Na Seta oia i faatoroa, i te 32 o to'na matahiti. I roto i to'na oraraa, ua ite oia i te tupuraa o te taata i te ino, e ua tauturu atoa oia i to'na metua, ia Metusela, e ta'na tamaiti, ia Noa, i te tiaoro noa raa i te mau taata ia tatarahapa. Ua ite atoa oia i te hamaniraahia o te pahi ta Noa e ta'na na tamaiti i hamani, aita râ oia i ite i te diluvi, no te mea, ua pohe oia i na matahiti e pae na mua'tu i taua ati rahi ra.

O NOA, TE TAMAITI A LAMEHA Na roto i te hoê heheuraa i teie tau hopea nei, ua faaitohia mai ia Iosepha Semita e, o Gabiriela to Noa ia i'oa i te ao Varna ra, e no to'na itoitoe i reira, i maitihia'i oia ei metua no te taata atoa i muri a'e i te diluvi. Hoê ahuru ana'e iho to Noa matahiti i te taime oia i faatoroahia'i i te Autahu'araa...no te mea paha ua tohu atea-hia na e faaorahia te taata na roto ia'na.

E toru tamarii a Noa tei faaitohia mai i roto i te papai-raa mo'a, oia hoi, o Iapheta, o Sema, e o Hama. Ua faaitohia i roto i te Mose 8:12 e, hoê â metua Vahine to Iapheta e to Sema, mai te mea ra e, e mea ê to Hama metua vahine. Ua haapii maitai o Noa ia ratou, e no to ratou haapao-maitairaa, ua paraubhia ratou "te mau tamarii a te Atua." (Ua topahia taua i'oa nei i nia iho ia ratou no te mea ua mau

ratou i te Autahu'araa.) I to ratou paariraa, na faaipoipo ratou eua fanau mai ratou i te mau tamarii tamahine. Noa'tu e, ua haapii-noa-hia ratou i te parau-tia, aita teie mau tamahine i haapao i te parau a to ratou mau metua tane, faaipoipo atura ratou i te mau tane i rape i te ekalesia o tei parauhia ei "mau tamarii tamaroa a te taata" no te mea, aita to ratou e Autahu'araa.

Te tamata itoitō noa ra o Noa i te reira taime i te parau i to'na ra mau taata ia tatarahapa, no te mea, ua maitihia oia e te Atua ia poro i te evanelia no na matahiti e 120 e na te Atua iho hoi i faatoroa ia'na i taua ohipa ra.

Hoê â huru parau ta Noa i a'o atu i te taata i te parau a Petero e te parau te a'o-noa-hia nei i teie nei tau. Oia hoi, "A faaroo, e a tatarahapa i ta outou ra mau hara e ia bap-tizohia i roto i te i'oa o Iesu Mesia, te tamaiti a te Atua, mai to tatou ra hoi mau metua, e e farii outou i te Varua Maitai."

Noa'tu i to Noa ra itoitō i te pororaa i te evanelia, aita te hoê noa iho o te mau taata i to'na ra fenua i faaroo ia'na. Ua tamta ra ratou i te taparahi ia Noa, area râ, no te mea e, tei pihaiho ra te Fatu ia'na, ua ora oia. Ua mauini roa to Noa ra aau i te mea e, ua hamani te Atua i te taata i nia i te fenua. Ua haapao noa ratou i te hinaaro o te tino e ua rave ratou i ta te mea faufau ra. No reira, ua parau atura te Atua ia Noa e, "Ua tae mai te hopea o te mau i'o atoa i mua ia'u, ua i hoi te fenua nei i te parau-tia-ore, e inaha e haamou Vau i te mau i'o mai nia'tu i te fenua nei." (Mose 8:30)

E no reira, ua tupu to te Atua mana'o ia tamâ i te mau ino o teie nei ao, na roto i te diluvi. Faane ihora Oia ia Noa ia hamani i te hoê pahi, ia ora oia e to'na atoa utuafare.

Uiraa 1. Eaba te tumu o Metusela i ore i afaibia'i i nia i te ia'i i te taime i tahitia'i to te oire o Ziona? To Metusela te orarua roa a'e i rotopu i te mau taata atoa tei fanaubia ai i nia i te ao nei. Ehia matahiti to'na i to'na poheraa?

2
matahiti
vai ta'r
nei metu
"tamait

3
vai oia
evanelia

A o
ua faane
te irava
Atua i fa
6:22) E
i te hoh

TE HU
kubiti,

to'na aa
tau. E t
mai te b
lareda
taua ma
miti e to
raau gon
amuhia

TE FA

Noa i to
mau taa
no te fa
e ohipa
tamau n
otiraa. I
tei mau

2. O vai to Noa i'oa i te ao varua ra? Ehia to'na matahiti i te taime oia i faatoroahia'i i te Autahu'araa. O vai ta'na na tamaiti tei faaitēhia i roto i te Bibilia? Hoê â nei metua Vahine to ratou? No te aha ratou i parauhia'i ei "tamaiti na te Atua."? Ua aha ta ratou mau tamahine?

3. Ua maitihia o Noa no te pororaa i te evanelia. Na vai oia i faatoroa? Ehia matahiti to'na poro-noa-raa i te evanelia? Eaha ta'na parau i a'o? Ua fariihia auei?

HAAPIIRAA TORU (*Hebedoma Toru*)

A opua'i te Atua i te nina i te ao nei i te hoê diluvi rahi, ua faaue mai Oia ia Noa ia tarai i te hoê pahi, e te na ô nei te irava e, "*Ua na reira hoi Noa i te mau mea atoa ta te Atua i faaue mai ia'na ra, o ta'na ia i rave maite.*" (*Genese 6:22*) E no reira, ua tarai o Noa ma i taua pahi ra mai te au i te hoho'a ta te Atua i heheu mai ia'na ra.

TE HURU O TE PAHI. Mai ta tatou i ite, 18 initi hoê ia kubitī, na ite tatou e, e 450 ia te roa o taua pahi ra, e 75 to'na aano, e e 45 to'na teitei. E pahi rahi roa tera i te reira tau. E toru to'na tahua, area râ, ua piri maitai taua pahi ra mai te besini ra. Oia hoi, hoê â huru pahi to Noa e to te Ati lareda i te fenua Amerika...No te hamani-maite-raahia o taua mau pahi ra, ia paremo noa'tura ratou i te miti, eita te miti e tomo i roto. Ua hamani-atoa-hia to Noa ra pahi i te raau gophera, o te hoê ia raau te ore roa e pê e te ore hoi e amuhia e te mau manumanu.

TE FAACHINEINERAA NO TE DILUVI. A hamani ai o Noa i to'na ra pahi, e mea papu e, ua haaputuputu mai te mau taata e rave rahi i te vahi i hamanihia'i taua pahi ra, no te faahaparaa e te vahavaharaa ia'na. Ua mana'o ratou e, e ôhipa maamaa tera ta Noa e rave ra. Noa'tu i te reira, ua tamau noa o Noa i te hamaniraa i te pahi e tae noa'tu i to'na otiraa. I taua tau ra, o Noa ana'e e ta'na mau tamarii tootoru tei mau i te mana no te Autahu'araa.

E ni tatou e, teihea o Metusela e o Lameha e te utuafare o te mau patereareha i te reira taime? E homa, ua pohe o Lameha e pae matahiti i muri a'e, pohe atura o Metuseela. I to Metusela poheraa, ua fatata roa i te haamataraa o te diluvi, e no reira, ua tano roa to'na poheraa i te auraa o to'na i'oa, oia hoi, "*i to'na poheraa e tae mai ai te pape rahi.*" Aita tatou i papu e, teihea'tura te utuafare o te mau patereareha...area râ, ua faaite mai te papairaa mo'a e, e rave-rahi te mau taata parau-tia tei afai-atoa-hia i nia i te ra'i ia amui atu i te oire o Ziona, e no reira, e mea papu e, ua na reirahia ratou.

Atira ia, o Noa ana'e iho e ta'na na tamaiti tei mau i te Autahu'araa i te reira taime.

Ia feruri noa tatou, e mana'o paha tatou e, e ohipa fifi roa na Noa ia haaputuputu mai i te mau animala i nia i te pahi, area râ, e ere na Noa i aratai ia ratou i roto i te pahi.. na ratou iho i haere i roto. Na te hoê re'o i faaue ia ratou ia haere i roto i te pahi..oia hoi, hoê â ia re'o tei paran atu i te mau liona tei tuuhia ia amui ia Daniela, e hoê â hoi re'o tei faaue atu i te mau oreba ia afai i te pane ia Elia. O te hoê ia re'o te tia ia faaroohia e te mau animala atoa-oia hoi, o te re'o ia o te Autahu'araa. Ia ratou i tae ai i roto i te pahi, na Noa ma ratou i aratai i te mau vahi i faataahia no ratou. Ua haamatahia tera ohipa e hitu mahana na mua'e i te diluvi e te rave noa ra ratou i taua ohipa ra i te mahana te diluvi i haamata'i.

TE DILUVI. I te hitu o te mahana o te piti o te avae o te matahiti i tae ai o Noa i te ono hanere o to'na ra matahiti, ua aratai oia i ta'na vahine e ta'na na tamaiti e toru e ta ratou ra mau vahine i roto i te pahi, E mea papu e, ua pea-
~~pea roa ratou i to ratou hi'oraa hopea i to ratou mau taeae~~
~~ter faaea i rapae i te pahi i te faaoo-noa-raa ia ratou ma te~~
tiaturi ore e haamouhia ratou. Opani atura o Noa i te opani o te pahi.

Ua
fenua nei
fenua i ho
i roto, ait

Te n
e a maha
e marua
(Genese

Na teie i
e maha a
nei, area

ihoa tato
i te vahi
mata'i i
te pahi e
mahana

noa te pa
nina-atoa
Atua i ha
ia Ioseph

Uiraa 1
mana'o,
hinaaroh

2:
i oti ai?
Eaha te

3:
Ehia ma

4:
ai te dili
te aha?
te fenua

Ua haamata ihora te pape i te tahe puai mai i nia i te fenua nei. I reira paha te mau taata parau-tia ore i nia i te fenua i horo mai ai i nia i te pahi no te tamataraa i te haere i roto, aita ra e ravea.

Te na ô nei te irava e, "*Roohia ihora te fenua i te diluvi e a maha a'era ahururaa o te ao, e rahi atura taua pape ra, e maraa a'era te pahi i nia, e teitei a'era i nia i te fenua ra.*" (Genese 7:17)

Na teie irava i faatupu i te mana'o hape i roto i te taata e, e maha ahuru ana'e iho mahana i vai ai te diluvi i te fenua nei, area râ, ia hi'opoa maitai tatou i taua irava nei, e ite ihoa tatou e, ua maha ahuru mahana HOU te pape i tae ai i te vahi teitei i vai ai te pahi e HOU hoi taua pahi ra i haa-mata'i i te painu. E vahi huru teitei te vahi i hamanihia'i te pahi e no reira, ua haere noa te pape i nia e maha ahuru mahana hou te diluvi i tae ai i taua vahi ra. I reira, ua tamau noa te pape i te tahe i nia i te fenua no na ava'e pae e ua nina-atoahia te mau mon'a teitei roa i nia i te ao nei. Na te Atua i haapapu mai i te reira ia tatou na roto i te peropheta, ia Iosepha Semita.

Diraa 1: Ua tarai o Noa i te pahi mai te au ito'na iho mana'o, e aore ra, ua faaite mai te Atua ia'na i te hoho'a tei hinaarohia? Eaha te rahi o taua pahi ra? Eaha to'na huru?

2: O vai tei mau i te Autahu'araa i te taime te pahi i oti ai? Teihea te mau utuafare o te mau patereareha? Eaha te auraa o to Metusela i'oa? Ua tano tera i'oa?

3: Na vai te mau animala i imi e aratai i roto i te pahi? Ehia mahana tei pau no te tuuraa ia ratou i roto i te pahi?

4: I nafea te diluvi i haamata'i? Ehia mahana i vai ai te diluvi i nia i te fenua nei hou te pahi i painu ai? No te aha? Ehia mahana te pape i tamau noa'i i te tahe i nia i te fenua nei?

Re Orometua

Ua Tauturu O Elisaia I Te Hoê Vahine Ivi.

(2 Arii 4-6.)

I te hoê taima ua haere mai te hoê vahine ivi i te peropheta ra ia Elisaia ma te parau atu ia'na e, tei roto rōa oia i te tarahu. Te haere mai nei te mau taata ta'na i amutara-hu ra no te rave i ta'na nau tamarii tamaroa ei tîti na ratou e tae noa'tu i te taima ua aufau oia i te tarahu ra. E aita hoi ta'na e hoê moni iti a'e. Ani atura oia i te peropheta, e nahea oia. Ani atura o Elisaia ia'na e, eaha ta oe e vai na i to fare. Pahono atura oia e, aita ta'na e hoê mea maori râ te hoê pani hinu.

Faau atura o Elisaia ia haere oia i to'na mau taata tupu atoa no te tipee atu i te mau farii pau atoa e vai ra i ō ratou te tia ia ratou ia horoa mai, e ia afai atu oia i te reira i to'na ra fare. E i reira, na ô atura oia, ia oti te reira e tamau ia oia i te uputa o to'na ra fare, e ia vai oia ana'e e ta'na nau tamarii toopiti ra, ia manii atu ratou i te hinu no roto mai i te pani no te faa-i atu i taua mau farii ra aita e maa o roto ra.

Ho'i atura oia i te fare e rave ihora i tei faanehia mai e te peropheta, e a ninii noa'i oia, i atura te mau farii atoa ra, e te vai noa ra te hinu i roto i ta'ua iho pani. Ani atura i ta'na nau tamarii ia afai faahou mai i te farii no te faa'i ia ratou, area ua na ô maira raua e, aita'tu e farii e vai ra.

I te îraa o te reira mau farii atoa ra, ho'i atura oia i te peropheta e faaite atura oia ia'na i tei tupu ra. Na ô atura oia ia'na, "*A haere, a hoo i te hinu, e ia hoo na taua tarahu ra, e te toea ra, na oe ia e na to tamarii.*"

E a parahi ai o Elisaia i te oire ra i Sunema farerei ihora oia i te hoê vahine aita ana e tamarii. Parau atura o Elisaia ia'na e noaa ta'na tamarii tamaroa, e na na reirahia ihoâ. I te huru paariraa o taua tamaiti ra, ua haere oia, e to'na

metua ta
te tamai
i te tama
ra pohe i

I tau
mela. Ra
tuu atura
perophet
atura oia
nei, aha
ha'tu; e
atu: a tu

Hae
mai ta E
hia. E i
te Fatu.
reira ara
mōraa n
Tipapa
atu i to'

I te
pape ra
mau ho
ratou i t
i te raau
roa a'era
ra, e m
atura o
faaite at
iti e titi
reira te
i te pape
te reira.

E tu

ne Ivi.

te pero-
o rōa oia
amutara-
na ratou
t. E aita
eropheta,
e e vai na
maori rā

nau taata
vai ra i ō
i te reira
e reira e
a ana'e e
e hinu no
ra aita e

nia mai e
i atoa ra,
i atura i
e faaî ia
ai ra.

a oia i te
a ô atura
ia tarahu

erei ihora
o Elisaia
nia ihoā.
e to'na

metua tane, i te ootiraa i te sitona i te aua ra. Mairi ihora te tamaiti e pepe ihora to'na upoo. Rave ihora te hoê tavini i te tamaiti no te afai'tu ia'na i to'na ra metua vahine, area ra pohe ihora oia.

I taua taine ra tei nia ia o Elisaia i te mou'a ra Karamea. Rave ihora te metua vahine o te tamaiti i te hoê asini, tuu atura i te parahiraa inia iho, e haere oioi atura oia i te peropheta. I to Elisaia faaroora i te mea i tupu ra, fariu atura oia i ta'na tavini e na ô atura, "*A rave i te raau na'u nei, ahaere; e ia farerei noa'tu oe i te hoê taata, eiaha e aroha'tu; e ia aroha mai te tahi ia oe ra, eiaha e parau faahou atu; a tuu i tau raau i nia i te mata o taua tamaiti ra.*"

Haere atura te tavini, e te metua vahine, i to'na ra fare, mai ta Elisaia i faaue atu ia'na, e aita rā te tamaiti i faaorahia. E i reira haere atoa maira o Elisaia e pure atura oia i te Fatu. Maitihe ihora taua tamaiti no na taine e hitu ra e i reira araara a'era oia i to'na mata. I to te metua vahine tomōraa mai i roto, na ô atura oia, "*A rave i to tamaiti.*" Tipapa ihora oia i mua i te aro o te peropheta no te faaite atu i to'na mauruuru rahi, e haere atura e ta'na tamaiti.

I te tahi mahana na haere atu o Elisaia i pihaiho i te pape ra o Ioridana, i te vahi tei reira te tahi pae o to'na ra mau hoa o fei opua i te hamani i te hoê fare. Haamata ihora ratou i te tâpû i te raau, e a tâpû noa'i te hoê o te mau taata i te raau, mairi ihora ta'na opahi i roto i te pape. Peapea roa a'era taua taata ra no te mea, e ere na'na iho taua opahi ra, e mea tipee-hia ra te reira i te hoê hoa no'na ra. Ani atura o Elisaia ia'na e, i hea te mairiraa taua opahi ra, e faaite atura oia i te vahi. Tâpû ihora Elisaia i te hoê raau iti e titiri atura i te reira i roto i te pape i te vahi mau tei reira te opahi; e inaha, panu maira tana opahi auri ra i nia i te pape ra, e tia'tura i taua taata ra ia rave faahou atu i te reira.

E tuatihia i te ve'a i mua.

Marcel Bonnet

“Pourquoi somme-nous un peuple singulier?”

(Extrait du livre “Evidences and Reconciliations” par l’ancien John A. Widtsoe)

Par leur apparence, leur langage, leur éducation, leur vie industrielle et sociale, les Mormons sont comme les autres gens. Lorsque le terme “singulier” nous est appliqué, c’est par rapport à nos croyances religieuses et aux pratiques bases sur ces croyances, matières qui sont entièrement de nature personnelle, et en lesquelles nous différons des autres croyances et églises chrétiennes.

Les particularités des Saints des Derniers jours se répartissent en cinq catégories:

La Revelation Directe.

Premièrement: L’Eglise affirme, sans nulle réserve, avoir été fondée par révélation directe de Dieu. Le Père et le fils, en apparaissant en personnes à Joseph Smith, posèrent les bases de l’oeuvre qui conduisit à l’organisation de l’Eglise. D’autres êtres célestes donnèrent à Joseph Smith des instructions et des directives complémentaire pour l’aider dans l’oeuvre qu’il avait été appelé à accomplir.

La veritable Eglise du seigneur.

Deuxièmement: L’Eglise restaurée, établie de façon précise selon le modèle de l’Eglise primitive de Christ, affirme être le seul instrument officiel par lequel le Seigneur exécute, sur terre, ses plans pour le salut des enfants des hommes. La mission de l’Eglise de Christ est d’établir le royaume de Dieu sur terre. Pour se faire, il est nécessaire de posséder le pouvoir d’accomplir avec autorité les ordonnances du royaume. Cette autorité a été donnée à l’Eglise. La Sainte Pretrise lui a été conférée par les anciens dignitaires de l’Eglise qui la détenaient lorsque l’Eglise n’était

pas enco
Primitive
possèdent
entrer da
et privile
l’Eglise

Possess

Trois
de l’Eglis
gardienne
cet évang
c’est la p
là-bas.

possède
posséder

L’emple

Quat
réfléchies
se servir
la vérité,
de note v
vangile.
indirecte
vangile de
L’obéiss
les jours,
du succès

L

Cinq
plus sing
c’est là le
ont le cor

pas encore souillée. Puisque l'apostasie a détruit l'Eglise Primitive, et puisque toutes les autres Eglises chrétiennes ne possèdent pas l'autorité de la Prêtrise, tous ceux qui veulent entrer dans le royaume de Dieu et y jouir de tous les droits et privilèges de citoyens du royaume doivent se joindre à l'Eglise restaurée du Christ.

Possession de la verite complete de l'Evangile.

Troisièmement: L'ensemble des doctrines ou croyances de l'Eglise présente une grande différence. L'Eglise est la gardienne de l'Evangile de Jésus-Christ, de la plénitude de cet évangile. Ce qui caractérise les autres églises chrétiennes c'est la présence d'un principe de vérité ici, et d'un autre là-bas. La véritable Eglise n'est pas satisfaite si elle ne possède pas la vérité complète de l'Evangile. Elle affirme posséder tous les principes du plan du salut.

L'emploi de la verite dans la vie quotidienne.

Quatrièmement: Encore plus singulière aux masses irréfléchies de notre époque est l'affirmation mormonne que se servir de la vérité est aussi important que de connaître la vérité, que la foi sans les oeuvres est morte. Chaque action de notre vie doit être influencée et dirigée par les lois de l'évangile. Le but du plan du salut doit être, directement ou indirectement, le but de chaque entreprise humaine. L'évangile doit se vivre tous les jours. Il doit se vivre sincèrement. L'obéissance à la loi du Seigneur, quelle qu'elle soit, tous les jours, avec constance et à jamais, est le véritable étalon du succès.

Le courage de vivre selon son idéal.

Cinquièmement: Le plus étonnant de tout, la chose la plus singulière au sujet des Saints des Derniers Jours et c'est là le sentiment de notre faible génération c'est qu'ils ont le courage de vivre selon leurs croyances devant les pra-

tidues adverses. Le Mormon se réjouit dans sa connaissance plus grande et plus complète et dans le privilège qui est sien de se servir de cette connaissance pour son bien. Il essaye de suivre l'admonition du Seigneur, d'être dans le monde, mais pas de ce monde.

Le monde s'étonne devant une telle audace et l'admire. Les hommes qui aiment la vérité par dessus tout, qui sont guidés dans leur vie par les principes de vérité et qui osent se conformer à ces principes en dépit des tentation et des moqueurs, sont ceux qu'honorent vraiment les saints et les pécheurs. Ce sont eux que le monde espère et implore pour guider l'humanité vers la paix et le bonheur.

Les Saints des Derniers Jours forment un peuple singulier. Il en a été de même pour les Saints d'autrefois. Ecoutez ces paroles de l'apôtre Pierre: *"Vous, au contraire, vous êtes une race élue, une prêtrise royale, une nation sainte, un peuple acquis, afin que vous annonciez les vertus de celui qui vous a appelés des ténèbres à son admirable lumière."* (I Pierre 2:9)

Mati Orometua

PARAU RII API

I te 26 no Tiunu ua reva'tu te Peresideni Misioni e na orometua o Toma, o Toni, o Hereto, e o Les i Takaroa na nia ia Paraita no te faatere i te hoê amuiraa i reira. Reva'toa atura te tahi pae no te pupu himene, oia hoê e 30 taata, no te tauturu i roto i tana ohipa ra. Ua tapea ratou i Takaroa i te mahana pae e i tana po ra haamatahia ihora te amuiraa na rotô i te himeneraa, te mau piêce, e te oriraa rahi.

I te mahana maa na faaterehia te tahi mau apoora na te feia torôa, e te pureraa a'oraa evanelia. Ua hautihia te tahi mau hautiraapopo, e ua putuputu maite mau tamarii i roto i te amuiraa na te Paraimere. I te po ua faaterehia te hoe soirée nehenehe roa. Oia hoi na te pupu himene i himene mai i te tahi mau himene, e ua orihia te tahi mau oriraa i i raro i te mori ereere. A tahi nei teie huru mori i itehia i Takaroa ra, e ua manruuru roa te taata i to ratou iteraa i te reira.

I te
faatere, e
te hoê hi
Iesu Mes
mahana

mau ma
haaputua

I te
Makatea
ua horoa
i reira. U
ua i roa

Te
feia faat
mai i tat

I te
hoi atura
ua manu

I te
e piti tei
tauturu
e te mau
maitai ra
haere te

I ta
ra tei fa
piti ahua
toru vah
haere ne

Teo
te ohipa
E ia ha

I te
i rotapu

Mah
no teie

I te Sabati Ua haapaohia te tahi mau apooraa no te feia faatere, e te tahi na pureraa a'oraa evanelia. I te po faaterehia te hoê himene tarava e te haapiiraa na nia i te evanelia a Iesu Mesia. E mea maitai roa te mau ohipa i rave hia i taua mahana ra e ua mauuru roa to Takaroa e tae noa'tu i te mau manahini i te mau mea ta ratou i ite i roto i tana haaputuputuraa ra.

I te poipoi Monire ua reva mai o Paraita, tapae ihora i Makatea. Ua farii-maitai-hia e te mau feia atoa i Makatea, e ua horoahia mai te Cinema Rex no te faatereraa i te hoê soirée i reira. Ua tapihia te mau ohipa mai tei ravehia i Takaroa e ua i roa te fare i te mau taata.

Te haamauruuru nei matou i te Cinema Rex, e te mau feia faatere no te Companie phosphat no to ratou tauturuuraa mai i taua po ra.

I te mahana toru i te po, tapae mai ra? Paraita i Papeete, hoi atura te mau taata i to ratou utuafare mai te mana'o e, ua manuia roa to ratou tere e te mau ohipa i faatohia.

I te 9 no Tiurai ua tae mai na vahine orometua matamua e piti tei maitihia no teie misioni. Ua faataahia rana no te tauturu i te mau tamarii, e no te haapii atoa i te reo Paratane e te mau ohipa atoa mai te reira te huru. E nau tuahini maitai rana e na roto i to rana itoitoe te mana'o nei tatou e haere te reira tufaa ohipa i mua.

I tana mahana ihoa i tae mai ai taua na vahine orometua ra tei faataahia no teie Misioni Tahiti. Tei nia atoa iho e piti ahuru ma ono orometua, e piti ahuru ma toru tane, e toru vahine. Te tahi na orometua ra e rave ohipa ia. Te haere nei ratou i te mau vahi i faataahia no ratou.

Teoaoa nei te Heheuraa apî ia faaita atu e te haere nei te ohipa a te Ekalesia i mua i te mau vahi atoa o te ao nei. E ia haamaitai hia outou e te Atua.

I te po mahana piti ua faatere hia te hoê hautira-popo, i rotopu i te mau orometua popaa, e te pupu S.D.J. Tahiti.

Mahana toru i te po, ua faatupu-atoa-hia te hoê farii raa no teie mau orometua i tae mai i Tahiti.

Te Hoho'a no ta Tatou Ve'a, Te Peropheta ra o Tihoti
Alabereta Semita
1870--1951

O Tihoti Alabereta Semita ia te vau no te peresideni Ekalesia i roto i te tau hopea nei. Ua fanauhia oia i Roto Miti i pihai iho i te hiero rahi tei hamanihia e te feia mo'a i reira ra.

E utuafare huru rahi to ratou e no reira ia rave ihoa ratou atoa i te ohipa e tia'i. Area râ, ua haamana'o atoa oia i te ohipa a te Fatu mai te au i te parau e, "*E mata na ra outou i imi i te Basileia o te Atua... Mataio 6:33*

I te hoê ahuru ma toru o to'na matahiti haamata ihora oia i te raveraa i te ohipa i roto i te hoê fare toa ia roaa mai te monino te faaamu raa ia na iho ia ora. Ua rave oia i te ohipa haehaa i te matamua, area ra no to'na itoito e to'na tamauraa i te mau haapiiraa i faaitchia ua riro ihora oia ei peresideni no taua fare toa rahi ra.

I to'na apiraa ua maitihia oia ei orometua porohaere i te evanelia. Tonohia'tura oia i te mau tufaa fenua i roto i Amerika. Ia reva te peresideni o taua misioni ra i te reira tufaa fenua, haapao ihora o Tihoti i te mau ohipa i reira.

Ua faatoroahia Tihoti ei aposetolo i te toru ahuru o to'na ra matahiti. E ua haapao oia i taua toroa ra e tae noa'tu i te hitu ahuru ma piti o to'na matahiti. Ei reira ua pohe ihora Hebera, maiti ihora te Fatu ia Tihoti ei peresideni i nia iho i ta'na Ekalesia nei.

E taata aroha mau o Tihoti, e ua haamana'o noa oia i te mau tamarii e te feia api. Ua itoito oia i roto i te Scouts e ua farii oia i te mau toroa teitei i roto i taua pupu ra.

Ua pohe o Tihoti i te 4 no Eperela i te matahiti 1951 i te vau ahuru ma hoê no to'na matahiti.